

ქალაქ ქუთაისის მუნიციპალიტეტის საკრებულოს ფრაქცია

„ქართული ოცნების“ სხდომის

ოქმი N 10

27.04.2026

სხდომის ჩატარების ადგილი:
ქალაქ ქუთაისის ადგილობრივი
თვითმმართველობის შენობა.
რუსთაველის გამზირი N3

ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ სხდომა ჩატარდა თვითმმართველობის შენობაში არსებულ სხდომათა დარბაზში. სხდომას ხელმძღვანელობდა ფრაქციის თავმჯდომარე, ბატონი დიმიტრი მხეიძე.

ესწრებოდნენ ფრაქცია „ქართული ოცნების“ წევრები:

გიორგი ჭიღვარია, მარეხი ნიჟარაძე, ამირან კოპალეიშვილი, ლაშა გვენეტაძე, გიორგი იობაშვილი, ბესიკ ჩეჩელაშვილი, კობა ფხაკაძე, მანანა ჩიხლაძე, ჯემალ ბიბილეიშვილი, ალექო თამაზაშვილი, ბიქტორ გვეტაძე, სალომე სარალიძე, სანდრო ნერგაძე, მაგდა კოსტავა, ლანა ჩიტიძე.

სულ 16 წევრი

სხდომა გახსნა ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ თავმჯდომარემ ბატონმა დიმიტრი მხეიძემ და წარმოადგინა სხდომის დღის წესრიგის შემდეგი პროექტი:

1. ქალაქ ქუთაისის მუნიციპალიტეტის მერიის ა(ა)იპ „ქუთგანათების სერვისის“ სამსახურის ანგარიში 2025 წლის განმავლობაში გაწეული საქმიანობისა და 2026 წელს დაგეგმილი ღონისძიებების შესახებ.

ბატონი მალხაზ ბასილაძე
ქალაქ ქუთაისის მუნიციპალიტეტის მერიის
ა(ა)იპ „ქუთგანათების სერვისის“
სამსახურის უფროსი

დღის წესრიგის პროექტთან დაკავშირებით მოსაზრებები არ გამოთქმულა.

ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ თავმჯდომარემ, ბატონმა დიმიტრი მხეიძემ დღის წესრიგთან დაკავშირებით გამოაცხადა ღია კენჭისყრის დაწყება.

ერთხმად დაადგინეს:

დამტკიცდეს სხდომის დღის წესრიგი წარმოდგენილი რედაქციით.

მოისმინეს: ქალაქ ქუთაისის მუნიციპალური მერიის ა(ა)იპ „ქუთაგანათების სერვისის“ სამსახურის ანგარიში 2025 წლის განმავლობაში გაწეული საქმიანობისა და 2026 წელს დაგეგმილი ღონისძიებების შესახებ.

დღის წესრიგის პირველი საკითხი- ქალაქ ქუთაისის მუნიციპალიტეტის მერიის ა(ა)იპ „ქუთაგანათების სერვისის“ სამსახურის ანგარიში 2025 წლის განმავლობაში გაწეული საქმიანობისა და 2026 წელს დაგეგმილი ღონისძიებების შესახებ.

ზემოაღნიშნული საკითხი წარმოადგინა ქალაქ ქუთაისის მუნიციპალიტეტის მერიის ა(ა)იპ „ქუთაგანათების სერვისის“ სამსახურის უფროსმა, ბატონმა მალხაზ ბასილაძემ.

მალხაზ ბასილაძემ : „მოგესალმებით, წარმოგიდგენთ ქალაქ ქუთაისის მუნიციპალიტეტის მერიის ა(ა)იპ „ქუთაგანათების სერვისის“ სამსახურის ანგარიშს 2025 წლის განმავლობაში გაწეული საქმიანობისა და 2026 წელს დაგეგმილი ღონისძიებების შესახებ. ა(ა)იპ „ქუთაგანათების სერვისის“-ს დაფინანსებამ 2025 წლის დასაწყისში შეადგინა 4 427 000 ლარი. აღნიშნული თანხიდან 2 480 303 ლარი, გარე განათების სისტემების მიერ წლის განმავლობაში მოხმარებული ელ. ენერჯის ხარჯისათვის იყო გათვალისწინებული და დაიხარჯა 2 237 896 ლარი. ასევე 878 500 ლარი შეადგინა თანამშრომლების შრომითმა ანაზღაურებამ და დაიხარჯა 867 980 ლარი. 72 438 ლარს შეადგენს შადრევნებისა და სასმელი წყლის ნიჟარების მიერ მოხმარებული წყლის ხარჯი. დანარჩენი თანხა დაიხარჯა საქონელი და მომსახურების მუხლით. აღნიშნული ხარჯების საფუძველზე ქალაქის ტერიტორიაზე ეტაპობრივად მიმდინარეობს დაზიანებული და ძველი დარჩენილი ნატრიუმის შემცველი სანათების ჩანაცვლება ახალი დიოდური LED ტიპის სანათებით (ქუჩების პარამეტრებიდან გამომდინარე 150 ვტ და 250 ვტ სანათები ჩანაცვლდა შესაბამისად 90 ვტ და 120 ვტ სანათებით) რომელმაც შესაბამისად მოხმარებული ელ. ენერჯის ხარჯი შეამცირა ქუჩების განათებულობისა და სიკაშკაშის პარამეტრების შეუცვლელად. აღნიშნული სანათებით განათებულია ქალაქის ქუჩების 99%, დარჩენილის ჩანაცვლება მიმდინარეობს ეტაპობრივად, რომელიც 2026 წლისათვის ბოლოსათვის სრულად იქნება განხორციელებული. სულ დამატებულია და ჩანაცვლებულია 90 ვტ სანათი 986 ცალი, ხოლო 120 ვტ სანათი 142 ცალი. 2025 წლის პერიოდში მოსახლეობის თხოვნისა და ტერიტორიის საჭიროებიდან გამომდინარე დამონტაჟდა 89 ცალამდე ახალი ანძა დიოდური სანათით და მოეწყო დამატებით 50 ცალი ბრჯენი (კრონშტეინი) სანათით. ასევე განხორციელდა 4000 მეტრი დაზიანებული 2x25 ალუმინის თვითმზიდი იზოლირებული სადენის შეცვლა ახლით. აღსანიშნავია ასევე რომ ამ პერიოდის განმავლობაში დამონტაჟდა და შეიცვალა 19 ცალი 63 ამპერიანი ავტომატური ამომრთველი, 107 ცალი 100 ამპერიანი ავტომატური ამომრთველი, 120 ცალი 95 ამპერიანი კონტაქტორი, 3207 მეტრი ალუმინის 2x2.5 გამშვები სადენი, სკვერების რეაბილიტაციებზე დამონტაჟდა 3700 მეტრი სპილენძის 2x1.5 და 2200 მეტრი სპილენძის 2x2.5 სადენი. შეიცვალა 18 ცალი ფასადის მინათების 150 ვატიანი ლედ სანათი, შეიცვალა 15 ცალი მეტალო ჰალოგენის 150 ვატიანი ნათურა, დამონტაჟდა 36 ცალი 10 ამპერიანი ფოტორელე, გაიხარჯა 665 ცალი საიზოლიო ლენტი, 5 მეტრი გოფირებული მილი, ქალაქის ტერიტორიაზე რიგ ქუჩებზე გაივლო ერთ და ორ კონტურირანი დეტრპულა ხაზი, დაიხარჯა ზებრა გადასასვლელები, ავტობუსის გაჩერებები, ავტომობილების პარკირების ადგილები. სულ საგზაო მონიშვნისთვის დაიხარჯა 10 600 კგ-მდე თეთრი საღებავი, 2 045 კგ.

ყვითელი საღებავი, 67,5 კგ ვერცხლისფერი საღებავი. რიგ ქუჩებზე აღდგა დაზიანებული 40 ცალი და დამონტაჟდა ახალი 30 ცალი საგზაო ნიშნები. ასევე პერიოდულად მიმდინარეობს დაზიანებული შუქნიშნების ნაწილების აღდგენა, სატრანსპორტო საშუალებების და ქვეითების უსაბრთხო მოძრაობისათვის. 2026 წლის ბიუჯეტმა შეადგინა 4 690 000 ლარი. მათ შორის ხელფასისი ფონდმა შეადგინა 1 023 050 ლარი, ხოლო საქონელი და მომსახურების მუხლმა შეადგინა 3 250 400 ლარი, ამ თანხიდან 2 518 480 ლარი გათვალისწინებულია მოხმარებული ელ. ენერჯის გადასახადისათვის. დღეის მდგომარეობით ა(ა)იპ „ქუთაისის სერვისი“-ს მიერ განხორციელებულია შემდეგი ძირითადი შესყიდვა:

სანათები სატენდერო ფასი 298900 ლარი სახელშეკრულებო ფასი 167088 ლარი შპს „ზს“;

სადენები სატენდერო ფასი 18970 ლარი სახელშეკრულებო ფასი 15940 ლარი „საქკაბელი“;

ამწე კალათა სატენდერო ფასი 274274 ლარი სახელშეკრულებო ფასი 233600 ლარი შპს „თეგეტა ქომერშელ ვიიქლს.“

აზრი გამოთქვას, დაისვა შეკითხვები, გაკეთდა განმარტებები:

მარეხი ნიჟარაძე: „ზებრა გადასასვლელები რაც გასულ წელს დაიხაზა, წელს განახლებას საჭიროებს. აქ გაწეულია ბევრი ხარჯი, როგორც მუშა-ხელის, ასევე საღებავის. ჩემი თხოვნაა, შეცვალეთ საღებავის ხარისხი, რადგან ყოველ წელს გადასასვლელებს არ სჭირდებოდეს თავიდან დახაზვა“.

დიმიტრი მხეიძე: „სკვერებში დამონტაჟებული კამერები თუ მუშაობს და ვინ აკონტროლებს?“

მალხაზ ბასილაძე: „სკვერებში განთავსებულია აპარატურა, ჩვენი წარმომადგენელი ყოველი თვის ბოლოს მიდის და ამოწმებს რამდენად მუშაობს. ყოველდღიურად მისი გადამოწმების საჭიროება არაა. ჩვენი სამსახური უბრალოდ აკონტროლებს კამერებს, რამდენად მუშა მდგომარეობაშია“.

სანდრო ნერგაძე: „მაინტერესებს სამსახურის სტრატეგია თუ გაქვთ, წლის ბოლომდე რას აპირებთ და ასევე მომავალი წლისთვის?“

მალხაზ ბასილაძე: „კონკრეტულად გაწერილი სტრატეგია არ გვაქვს. ერთადერთი რაც შეიძლება გამოვიყენოთ პრინციპი ხანდაზმულობის. ამ პრინციპის საფუძველზე შეძენილი გვაქვს „ჯიბიესი“, რომლის საშუალებითაც უნდა ავლწეროთ მთელი რიგი ბოძები ქალაქის ტერიტორიაზე. სანათებს აქვს ხანდაზმულობა, ზოგი ვადაზე ადრე გამოდის მწყობრიდან, ამ პრინციპით უფრო გვიადგილდება მათი აღწერა და შესაბამისად გამოცვლა“.

დიმიტრი მხეიძე: „როგორც ვიცი არსებობს ისეთი სისტემა, რომელიც აჩვენებს თუ სადმე რაიმე დაზიანებაა. იქნებ ვიმუშაოთ მსგავს მოქნილი სისტემის შექმნაში?“

საკითხთან დაკავშირებით დებატები შეწყდა.

ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ თავმჯდომარემ, ბატონმა დიმიტრი მხეიძემ დღის წესრიგის პირველ საკითხთან

დაკავშირებით გამოაცხადა ღია კენჭისყრის დაწყება. რეგისტრაცია გაიარეს კომისიის წევრებმა.

ღია კენჭისყრით, ხმათა უმრავლესობით **დაადგინეს:**

მოწონებულ იქნეს ქალაქ ქუთაისის მუნიციპალიტეტის მერიის ა(ა)იპ „ქუთგანათების სერვისის“ სამსახურის ანგარიში 2025 წლის განმავლობაში გაწეული საქმიანობისა და 2026 წელს დაგეგმილი ღონისძიებების შესახებ.

ამით, ქალაქ ქუთაისის მუნიციპალიტეტის საკრებულოს ფრაქცია „ქართული ოცნების“ სხდომამ მუშაობა დაამთავრა.

საკრებულოს ფრაქცია „ქართული ოცნების“
თავმჯდომარე დიმიტრი მხეიძე

